

এবাকাউ কাদানি মনাউরি

সমরজিৎ সিংহ



এবাকাউ কাদানি মনাউরি

সগরজিং সিংহ



এবাকা

আগরতলা । ত্রিপুরা

উৎসৰ্গ

মোৰ জনম দুঃখিনী ইমাৰ থয়াৎ

অকনেই পুতকৰ

খুৎতল এহান



E BAKAU KADANI MANAURI

A Bishnupriya Manipuri collection of poems
by Samarjit Sinha

প্রচ্ছদ : সুভদ্রা সিংহ

প্রকাশিকা : সুভদ্রা সিংহ। এবাকা। C/o. রণজিৎ ঘোষ

মঠ চৌম্হনী। আগরতলা-৭৯৯০০৪। ছাপানিং পাণ্ডুলিপি। আগরতলা

প্রচ্ছদ মুদ্রণ : গ্রাফিক আৰ্টিষ্টিক কৰ্ণসান

আগরতলা।

রূপা তিনহান।

খোঁরাঙ

মোর ইমার ঠারে টটরনি দেই মোর
মোর ইমার ঠারে হপন দেহানির য়াথাং দেই মোরে—
মাতিয়া, যে মানুগ নীলুয়া ঐল
টেইপাঙর মিঙালে
উগরে না চিনলাই তুমি, মোর আত্মার মারূপ
আজি তার ঠইগর য়ারৌ উপয়া
মিউ চিকারি দিউরি
মোর ইমার ঠারে হপন দেহানির য়াথাং দেই মোরে
মোর ইমার ঠারে মরানিতে দেই !

ইমা

ঔ পাখ দ্বিয়হানি কেলয়া পরলে
তোরে মোর ইমার সাদে লাগের
নিক্কা সেক্কাং
বতিগ লাগেয়া দৌ হমাদিউরী
আমি অকনেই শৌজিপুতর সালে

মেয়েক

মেয়েক হাবি, আগ আগ করে, জ্বর মেইরিক অযিতারাগা
মি দেহুরি, জ্বর মেইরিক ঔতাই গর আগত গরে ফরদিয়া
লংকাহান জি লাগাদেনার সাদে, আমার টেইপাঙ এহানো পুড়ে
নিতারাগা, ঔপেই ইমা-বাবা বেইবুনি, মইলক-পুতক সাকেই
হাবি, গলে গলে, চামপুরার গংগ সিলয়া আট্টিংগাহান
সকসেগা ; গং ঔগং বঙানি আহের, মি বঙতেগা, দেহুরি
বঙলা ঔতাং বাতর সারুক আগ আগ মেয়েক, বারো ঔ
মেয়েকর বুকগং আমার জীবনর ডিগল চকথা আহান,
হপন আহানো, যে হপনহানর সালে মি এবাকাউ ইমার ঠারে
কাদানি মনাউরি, কাদুরি

জিগ

ঔরে চেই, পূর্বফালগুনী নক্ষত্রগত নিকুলিল মেইরিক আগ
আমার বংশহান পুরের, মেইরিক ঔগত জিগ, রকত তপ্তা
অনির আগে ইংহান, আমি কিতাউ হারনাপেয়ারথাং,
রকতল লংবেই হংকরানির হপন, জিগ বুকগং, ডহা নেরগা—
তুমি যেহানো মাতেই, মি এবাকা তোমার লগে নেই, হপনর
বিতরে জিগ লাগেসে, তোমারে মাতুরি, সিঙয়া থাই, গরগ
পুরতই, গরগ পুরতই...

লামর হপন

ইমার লামহান বুলিয়া যেতাই লংবেই দরৈস

মি তানুরে হবা করে চিনেসু

ইমার য়ারি দিয়া যেতাই আহির পানি বেলতারা

মি তানুরে হবা করে চিনেসু

লংবেই আগর লগে আহির পানি

আহির পানির লগে আমার সালে আরাকৌ শ্মশান আহান

যেতা সালয়া যিতারাগা

বারো যেতাই তানুরে সালকরৈস

মি তানুরে হবা করে চিনেসু

তানু আগৈরৌ হারনাপাসি

লাম আহান অঙনির সমেয়ৎ

শ্মশান আহানাৎত আরাকৌ ডাঙর শ্মশান আহানাৎ যিতারাগা

নুংপাঙ

আহির ঠারে টটরিয়া গেলীগা তেই

মি তেইরে কিতাউ না মাতেসু

জনমতো ঠার নেই মানুগ মি

কি য়ারিহান দিতৌ ? কিসাদে ঠারহানল মাৎতৌগ ?

ইমার ঠারহান, তোরে

মি আজি হারপাউরি, মোর ইমার ঠারহান

মি তোৰ জনমৰ মারূপগ নাগৈ

মরণৰ মারূপগো নাগৈ

মি দেহুৰি

তি উবা অয়া আসং পথৰ ভিখাৰিগ

আত দ্বিহানি তোৰতা বুজে য়াৰগা

রকত বারো আহিৰ পানিয়ে

উপদেশৰ ভরিহান বারো ওয়াশাকৰ হিনহানে

মি হারপাউরি, মোর ইমার ঠারহান

তোৰ নাংহান সলকরিয়া

আহিৰ পানি বেলতারা দাপা আহানে

লংবেই দরানিৰ য়াৰি দিতারা পথ বিভুলা কতগৈ

মি হাবি হারপাউরি আজি

তোৰে হিনেয়া সেঙয়া আনার য়াৰি দিতারা কতগৈ

তোৰ আঙালুরিহান মতসে

ময়ূরৰ পাখহান পিদা দেনা মনেইতারা

আরাকৌ কতগৈ

আহিৰ পানি ঔতা না দেহানিৰ কা

তানু মাংতারা কাজল পিদানিৰ কথা

তোৰ য়াবেবুনীহান হাজেইতারা হপনর নীলুয়া রঙল

তিও উপসং

আকগৈয়োঁ তোর সালে আহিৰ পানি ফুটা আহানো
না কাংকরতারা

এতা হাবি তোর নাংহান সলকরিয়া

নিজর মেইথঙ ঙালকরানির ঠৌরাঙ

মি উপোঁরি

মোর গারীগর রকত তপ্তা অর

তোর কঙালা মেয়েকল হঙসে মোর ঠইগ

এতা দেহিয়া অহুকপা আলিপাহান

বুজের, বঙানি আহের

মি কিহান করতু, ইমার ঠারহান

জুনাকর মিঙালহান উদারি করিয়া মি তোর

মেইথঙহান ঙালকরুরি

তোর আহিৰ পানি ঔতাল সমুদ্রআহান হঙর

মি কিসাদে তোর দুঃখ হাবি থিংকরতো

বানার ইমার ঠারহান

লপুকর মুকশিহানল তোর ফিজত হাজাউরি

মি কিহান করতু, ইমা

তোর জনমর মারূপগ মি নাগৈ

ঔতাউ, ঔ আহিৰ পানি পুসে দেনারকা

মোর হুৰ্কাং আতহান ডিগল করুরি

মি তোরে পইলাত্ত দেহুরি

লমইতেগা মি তোরে চেইতৌগ

পথর ভিখিরীগ, মোর বানার ইমার ঠারহান

তোর ঔ রূপহান পটেয়া

তি আই, ইমা, দুর্গারাংতো ভালদে

হাগহানর বরণল তোর গারীগ হাজেইতো নি

খুয়ার পানিল বাদতেই রাবেরুনিহান

মোর আহির পানিল

তোর জাংহান ধইতো আজি

মেইথঙর পাউডার আর না গসি

মোর হপনল হাজা তোর মেইথঙহান

তি বারো হব অ

মোর কনাকর পরীগ অলদে

টেইপাঙর ঈশ্বরীগ আকখুরুম অ নে, ইমা

মি যেহান মাংতো, আজি তি অ

তি মোর জনমর মারূপগ

তি মোর মরণর মারূপগ, মোর ইমার ঠারহান !

